



*Selasa, 24 Oktober 2023*  
**Ogen: Masmur 122:3-5**



**"Ngerunggui Kalak Si Nterem"**



**S**alah sada dahin si mehuli e me kap ngerunggui alu payo dingén mehuli. Iperluken kel kengasupen dingén kiniteruken rukur rikut pe ras cara pandang si rawin jemba i bas sura-suranta ngerunggui. Dahin ngerunggui la banci ngukurken kerna kepinging sekalak/sada kelompok ngenca tapi harus iukuri kepingingen kerina si terlibat i bas runggu e. Kalak sidahinna ngerunggui iperluken kal pemeteh rikut pe ras wawasen si mbelin; la banci pergelut; la banci permerawa; ia harus sabar, nggit megi-megi gelah keputusan si ibuat i bas runggu e la merugiken ku sada-sada pihak.

PBB (Perserikatan Bangsa-Bangsa) e me sada organisasi Internasional si ibentuk 24 oktober 1945 janah kantor pusatna lit i San Francisco, California, Amerika. Tujun utama PBB e me njaga perdamen ras keamanen doni; memajuken ras mendorong hubungan persaudaran antar bangsa arah menghormati hak asasi manusia. Arah kepanjangan PBB e pe si dat maka dahin si mbelin kal ibas perserikaten e me nggerunggui. Uga gelah kerina anggota si ikut ku bas perserikaten enda ndatken hak si seri. Tep-tep anggota si tergabung ku bas perserikaten pe ikut ngukurken dingén ngerunggui alu payo kerna turahna persoalen i tengah-tengah doni enda. Umpamana bage bencana-bencana si megati terjadi. Negaranta pe i bas tahun 2004 asum tsunami i Aceh ndatken melala penampat arah kerina anggota PBB.

Selaku anggota Moria, salah sada dahinta si penting eme mereken dirinta guna ikut muat bagin i bas ngerunggui; subuk i bas persadaanta, i tengah-tengah pendahin bage pe i tengah-tengah jabuta. Adi lit si man runggunken/arihenken ikutlah kita ngerunggui/ngarihkenca, ula kita sinik tapi berelah pendapatatta, sabap meherga kal soranta i bas dahin ngerunggui.